



Službeni glasnik

Općine Donji Vakuf

Broj 3/09

Donji Vakuf, 03.04.2009. god.

Strana 51

37

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Informacije o realizaciji zaključaka Općinskog vijeća sa prethodnih redovnih sjednica

I

Prihvata se INFORMACIJA O REALIZACIJI ZAKLJUČAKA OPĆINSKOG VIJEĆA SA PRETHODNIH REDOVNIH SJEDNICA, a koja se odnosi na:

1. Zaključak po Informaciji o statusu nedovršenog Doma kulture

2. Zaključak o pokretanju postupka za imenovanje Upravnih odbora javnih ustanova iz oblasti zdravstva, socijalnog rada i predškolskog odgoja.

II

Ovaj zaključak će biti objavljen u "Službenom glasniku Općine Donji Vakuf".

Broj: 01-05-1600/09
Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

38

Na osnovu člana 2. Zakona o javnim preduzećima u Federaciji Bosne i Hercegovine ("Službene novine Federacije BiH" broj: 8/05 i 81/08), odredaba Zakona o privrednim društvima ("Službene novine Federacije BiH" broj: 23/99, 45/00, 2/02, 6/02, 29/03, 68/05, 91/07 i 84/08) i člana 24. Statuta Općine Donji Vakuf ("Službeni glasnik Općine Donji Vakuf" broj 1/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

O D L U K U

o usklađivanju statusa Javnog preduzeća
Veterinarska stanica Donji Vakuf
sa odredbama Zakona o Javnim preduzećima

I OPĆE ODREDBE

Član 1.

Ovom Odlukom Općina Donji Vakuf, Općinsko vijeće Donji Vakuf (u daljem tekstu: Osnivač) usklađuje sa odredbama Zakona o javnim preduzećima poslovanje Javnog preduzeće Veterinarska stanica Donji Vakuf (u daljem tekstu: preduzeće), koje je upisano u Registar Višeg suda u Zenici po Rješenju broj U/I-949/96 od 28.09.1996. godine na registarskom ulošku broj 1-1354, a kod Općinskog suda u Travniku zavedeno pod brojem 1-1354.

Ovom odlukom reguliše se:

- oblik organizacije, firma i sjedište preduzeća,
- osnovni kapital i sredstva preduzeća,
- djelatnost preduzeća,
- upravljanje,
- međusobna prava i obaveze osnivača i preuzeća,

- odgovornost za vršenje djelatnosti,
- način finansiranja preduzeća i formiranje cijena,
- raspodjela dobiti,
- sanacija gubitka,
- unutrašnja organizacija,
- javnost rada
- način prestanka postojanja preduzeća.

II OBLIK, FIRMA I SJEDIŠTE PREDUZEĆA

Član 2.

Javno preduzeće Veterinarska stanica Donji Vakuf obavlja djelatnost od javnog društvenog interesa, organizuje se i nastavlja rad u obliku društva sa ograničenom odgovornošću, u kojem je osnovni kapital u iznosu 100% u vlasništvu Općine Donji Vakuf i čini jedan udjel vlasnika.

Firma – naziv preduzeća je:

Javno preduzeće Veterinarska stanica, društvo sa ograničenom odgovornošću, Donji Vakuf.

Skraćeni naziv firme je: JP Veterinarska stanica, d.o.o. Donji Vakuf.

Sjedište preduzeća je u Donjem Vakufu, ul. 14 septembar bb.

Član 3.

Preduzeće je pravno lice koje samostalno obavlja registrovane djelatnosti radi sticanja dobiti.

Javno preduzeće sklapa pravne poslove u okviru registrovane djelatnosti samostalno u svoje ime i za svoj račun.

Član 4.

Preduzeće ima svoj pečat i štambilj.

Pečat je okruglog oblika, promjera 30 mm u kojem je ispisan skraćeni naziv preduzeća te evidencioni broj svakog primjerka pečata.

Broj pečata, način upotrebe i lica ovlaštena za rukovanje pečatima utvrđuju se općim aktom koji donosi uprava preduzeća.

Štambilj je pravougaonog oblika i sadrži: naziv preduzeća, sjedište i tekst koji označava namjenu štambilja.

Član 5.

Preduzeće će u poslovanju koristiti puni ili skraćeni naziv firme i adresu sa sjedištem preduzeća.

Svi akti i poslovna pisma preduzeća će, uz punu firmu i adresu sjedišta, obavezno sadržati sljedeće:

- naziv i sjedište institucije i broj pod kojim je preduzeće upisano u registar,
- broj računa, naziv i sjedište banke kod koje preduzeće ima otvoren račun a ukoliko ih ima više, označavaju se svi,
- porezni broj preduzeća.

III OSNOVNI KAPITAL I SREDSTVA JAVNOG PREDUZEĆA

Član 6.

Osnovni kapital preduzeća u novcu iznosi 2.000,00 KM (dvije hiljade KM).

Preduzeće, po bilansu stanja na dan 31.12.2008. godine, ima stalna sredstva čija sadašnja knjigovodstvena vrijednost iznosi 94.729,71 KM.

Bilans stanja i popisna lista stalnih sredstava su prilog ove Odluke.

Član 7.

Preduzeće može pribavljati dodatna sredstva i povećati osnovni kapital novim ulaganjima u novcu, stvarima ili pravima te reinvestiranjem dobiti, o čemu odlučuje osnivač.

IV DJELATNOST PREDUZEĆA

Član 8.

Preduzeće će u skladu sa Odlukom o klasifikaciji djelatnosti Bosne i Hercegovine ("Službeni glasnik Bosne i Hercegovine" broj 84/06) i odredbama Zakonom o veterinarstvu ("Službene novine Federacije BiH" broj 46/00) obavljati sljedeće djelatnosti:

- 01.420 uslužne djelatnosti u uzgoju životinja, osim veterinarskih usluga
- 85.200 veterinarske djelatnosti.

Član 9.

Preduzeće je dužno osigurati obavljanje poslova iz svoje djelatnosti tokom cijelog dana i noći i ispuniti posebne uslove za rad koje propisuje resorni federalni i kantonalni ministar.

Preduzeće, uz saglasnost Osnivača, može biti osnivač Društva za obavljanje pojedinih registrovanih djelatnosti.

Član 10.

Preduzeće može obavljati i druge poslove koji se javljaju uz poslove iz registrovanih djelatnosti ili koji služe djelatnostima iz člana 8. ove Odluke, ukoliko za to ima uslove, a u cilju sticanja dobiti i provedbe društvenog interesa.

Član 11.

Preduzeće ne može vršiti promjene sjedišta i djelatnosti iz člana 8. ove Odluke bez saglasnosti Osnivača.

Obim i kvalitet obavljanja registrovanih djelatnosti, planira preduzeće svojim planovima i programima rada uz prethodnu saglasnost Osnivača.

V UPRAVLJANJE

Član 12.

Organi preduzeća su:

- Skupština,
- Nadzorni odbor,
- Uprava, kao organi upravljanja, i
- Odbor za reviziju.

1. Skupština

Član 13.

Skupština je najviši organ upravljanja preduzeća i broji 5 članova.

Ovlaštenja Skupštine, u ime osnivača preduzeća, vršit će osobe koje na prijedlog Načelnika općine imenuje Općinsko vijeće.

Skupština odlučuje o sljedećem:

- osnivanju drugih preduzeća,
- donošenju plana poslovanja, investiranja i trajne poslovne saradnje sa drugim preduzećima,

- donošenju etičkog kodeksa i drugih poslovnika na prijedlog Nadzornog odbora,
- imenuje i razriješava Nadzorni odbor,
- godišnjem obračunu, raspodjeli dobiti i pokriću gubitaka,
- usvaja godišnji izvještaj preduzeća koji uključuje finansijski izvještaj i izvještaje revizora, Nadzornog odbora i Odbora za reviziju,
- promjeni oblika i podjeli preduzeća,
- naknadama članova Nadzornog odbora i Odbora za reviziju,
- imenovanju članova Odbora za reviziju na prijedlog Nadzornog odbora,
- cijenama proizvoda i usluga,
- ostalim pitanjima u skladu sa Zakonom o privrednim društvima, Zakonom o javnim preduzećima i Statutom preduzeća.

2. Nadzorni odbor

Član 14.

Nadzorni odbor preduzeća sastoji se od 3 člana koje na osnovu Zakona imenuje Skupština preduzeća.

Direktor preduzeća ne može biti član Nadzornog odbora.

Izbor članova Nadzornog odbora, bliže će se urediti Statutom preduzeća.

Član 15.

Nadzorni odbor preduzeća ima sljedeće nadležnosti:

- nadzire rad Uprave,
- nadzire poslovanje preduzeća,
- priprema poslovnike i predlaže ih Skupštini,
- priprema etički kodeks i predlaže ga Skupštini,
- vrši izbor kandidata Odbora za reviziju i podnosi prijedlog Skupštini za njegovo imenovanje,
- daje mišljenje Skupštini o prijedlogu Uprave za raspodjelu dobiti,
- imenuje i razriješava članove Uprave u skladu sa poslovniciima i drugim propisima,
- razmatra provedbene propise iz oblasti javnih nabavki i njihovu primjenu,
- daje pisane saglasnosti za aktivnosti koje su ograničene Zakonom o Javnim preduzećima,

- vrši i druge poslove u skladu sa Zakonom, Statutom preduzeća, odlukama Skupštine i drugim općim aktima.

3. Uprava preduzeća

Član 16.

Funkciju uprave preduzeća obavlja Direktor preduzeća.

Direktor predstavlja i zastupa preduzeće bez ograničenja ovlaštenja.

U okviru svoje funkcije predstavljanja i zastupanja, Direktor može drugom licu dati svoju punomoć koja je neprenosiva.

Član 17.

Direktora preduzeća imenuje Nadzorni odbor većinom glasova, na osnovu Javnog konkursa, uz saglasnost Općinskog načelnika.

Direktor preduzeća, bira se iz reda prijavljenih kandidata koji po menadžerskim znanjima i iskustvu najbolje odgovaraju za izvršavanje operativnih i poslovnih potreba preduzeća.

Statutom preduzeća, uredit će se uslovi i način izbora i razriješenja Direktora.

Ako po raspisanom javnom konkursu, nije moguće izvršiti izbor i imenovanje Direktora preduzeća, kao i u drugim hitnim i opravdanim slučajevima, Nadzorni odbor može imenovati Vršioca dužnosti direktora na period ne duži od šest mjeseci.

Član 18.

Za Direktora preduzeća, ne može biti imenovano lice koje obavlja funkciju u političkim strankama.

Član 19.

Direktor preduzeća zastupa i predstavlja preduzeće, organizuje i rukovodi radom u preduzeću, vodi poslovanje preduzeća, predlaže program rada i plan razvoja preduzeća i provodi mjere za njihovo provođenje, podnosi izvještaje o poslovanju, podnosi prijedlog o raspodjeli dobiti, podnosi prijedlog o saniranju gubitaka u poslovanju, predlaže unutrašnju organizaciju, odlučuje o prijemu radnika u radni

odnos i njihovim pravima iz radnog odnosa, vrši i druge poslove u skladu sa Zakonom, Statutom preduzeća i drugim općim aktima.

4. Odbor za reviziju

Član 20.

Odbor za reviziju broji 3 člana koje nakon provedenog postupka, na prijedlog Nadzornog odbora imenuje Skupština.

Za člana odbora za reviziju ne može biti imenovano lice koje ima finansijski i drugi interes u preduzeću.

Odbor za reviziju je dužan izvršiti reviziju polugodišnjih i godišnjih obračuna i reviziju finansijskog poslovanja preduzeća i o tome izvjestiti Osnivača i Nadzorni odbor u roku od 8 dana od dana okončanja revizije.

Član 21.

Odbor za reviziju nadležan je:

- imenovati nezavisnog revizora,
- razmotriti godišnju studiju rizika i plan revizije u kojima su prikazane pojedine aktivnosti u pogledu rizičnih područja i revizija koja će se izvršiti, te osigurati da prijavljena pitanja budu bez odlaganja i na odgovarajući način korigovana,
- osigurati da interne kontrole u preduzeću budu adekvatne i da funkcionišu na način kako je to određeno,
- podnositi Nadzornom odboru sažete mjesečne izvještaje o svojim sastancima svakog mjeseca,
- obavlja i druge poslove a na osnovu Zakona, Statuta i drugih općih akata.

Član 22.

Direktor preduzeća je dužan i odgovoran za primjenu preporuka Odbora za reviziju u rokovima koje za njihovu realizaciju utvrdi Odbor za reviziju. Direktor preduzeća može prenijeti ovu dužnost ali je i dalje odgovoran za realizaciju preporuka.

Organi upravljanja preduzećem i Direktor preduzeća, dužni su saradivati sa članovima Odbora za reviziju te učiniti dostupnim sve dokumente te finansijske i računovodstvene iskaze na zahtjev Odbora.

Odbor za reviziju odgovara Skupštini preduzeća.

Član 23.

Nezavisni revizor podnosi godišnji izvještaj o izvršenoj reviziji i objavljuje ga na internet stranici preduzeća ili Osnivača.

Član 24.

Ukoliko broj uposlenika u preduzeću pređe 50, formirat će se Odjel za internu reviziju koji će obavljati poslove utvđene Zakonom o javnim peducećima.

VI MEĐUSOBNA PRAVA I OBAVEZE OSNIVAČA I PREDUZEĆA

Član 25.

Međusobna prava i obaveze Osnivača i preduzeća, regulisana su Zakonom i ovom Odlukom a odnose se na:

- donošenje razvojnih planova,
- obezbjeđivanje sredstava za rad,
- imenovanje organa upravljanja,
- način formiranja cijena proizvoda i usluga,
- izradu programa sanacije gubitaka, izvještavanje o poslovanju,
- utvrđivanje mjera za prevazilaženje stanja u poremećenom pružanju usluga iz osnovne djelatnosti,
- podjelu dobiti,
- promjenu naziva, sjedišta, djelatnosti i statusa preduzeća.

Međusobna prava i obaveze, mogu biti regulisana i Statutom preduzeća, ugovorom i drugim općim aktima.

Član 26.

U regulisanju i ostvarivanju međusobnih prava i odnosa između Osnivača i preduzeća, Osnivača predstavlja i zastupa Općinski načelnik.

Za regulisanje pojedinih pitanja, Općinski načelnik može zatražiti mišljenje ili saglasnost Općinskog vijeća.

VII ODGOVORNOST ZA VRŠENJE DJELATNOSTI

Član 27.

Općinsko vijeće Donji Vakuf, u svojstvu Osnivača, zadržava pravo kontrole ispunjavanja javnih interesa i zadataka zbog kojih je preduzeće osnovano, racionalnosti poslovanja, namjenskog trošenja sredstava i poslovnog uspjeha.

Kontrola, navedena u stavu 1. ovog člana, ostvarivat će se podnošenjem i razmatranjem godišnjeg izvještaja o poslovanju preduzeća i izvještaja koje će preduzeće podnositi na zahtjev Osnivača.

Član 28.

Preduzeće, prema Osnivaču ima i sljedeće obaveze:

- najmanje jednom godišnje izvještava Osnivača o stanju pružanja usluga te stanju djelatnosti za koje je osnovano,
- podnosi izvještaj o problematici poslovanja i odnosima sa korisnicima usluga najmanje jednom godišnje,
- dostavlja akte na koje se daje saglasnost Osnivača.

Član 29.

U slučaju poremećaja poslovanja preduzeća, Osnivač ima pravo poduzimanja mjera koje će osigurati uslove za nesmetano funkcionisanje istog, određene Zakonom, Statutom, te Odlukama i zaključcima Općinskog vijeća.

Član 30.

U pravnom prometu sa trećim licima, u okviru registrovane djelatnosti, Preduzeće posluje bez ograničenja.

Za obaveze nastale u pravnom prometu, preduzeće odgovara cjelokupnom svojom imovinom. Osnivač ne odgovara za obaveze preduzeća.

VIII NAČIN FINANSIRANJA PREDUZEĆA I FORMIRANJA CIJENA

Član 31.

Finansiranje djelatnosti preduzeća, vršit će se

iz:

- cijena usluga iz registriranih djelatnosti,
- drugih izvora koje utvrdi Osnivač, a u skladu sa Zakonom.

Sredstvima navedenim u stavu 1. ovog člana, osiguraće se obavljanje osnovnih djelatnosti posebnog društvenog interesa, prosta reprodukcija i programom utvrđeni nivo proširene reprodukcije.

Član 32.

Cijene proizvoda i usluga iz registrovanih djelatnosti utvrđuje preduzeće u skladu sa Zakonom, uz saglasnost Osnivača.

IX RASPODJELA DOBITI

Član 33.

Prilikom odlučivanja o iznosu koji može biti raspoređen kao dobit, Uprava će voditi računa o preporukama Odbora za reviziju, ukupnim finansijskim obavezama preduzeća u finansijskoj godini na koju se raspodjela odnosi, uključujući i iznos neto dobiti potrebne preduzeću u toj finansijskoj godini za realizaciju bilo kojeg zadatka iz plana poslovanja, kao i iznos kapitalnih izdataka te drugih investicija neophodnih za pravilno održavanje i rast preduzeća.

Član 34.

Odluku o raspodjeli dobiti, donosi Skupština na obrazložen prijedlog uprave, uz prethodno pribavljeno mišljenje Odbora za reviziju i Nadzornog odbora.

X SANACIJA GUBITAKA

Član 35.

U slučaju da preduzeće, obavljajući poslove registrovane djelatnosti ostvari gubitak u poslovanju, Osnivač i preduzeće ravnopravno analiziraju uzroke nastalog poremećaja i poduzimaju zajednički mjere za otklanjanje uzroka.

Ukoliko se utvrdi da je gubitak nastao iz objektivnih razloga, Osnivač je dužan osigurati sredstva za saniranje poslovnog gubitka.

Ukoliko se utvrdi da je gubitak nastao iz

subjektivnih razloga, unutarnjim poremećajima u preduzeću, Osnivač će poduzeti odgovarajuće mjere za prevazilaženje nastalog stanja.

Pored navedenih mjera, Osnivač ima pravo i nadležnosti izvršiti smjenjivanje organa upravljanja, imenovati privremene organe i provesti javni konkurs za izbor i imenovanje organa.

XI UNUTRAŠNJA ORGANIZACIJA

Član 36.

Preduzeće je jedinstven pravni subjekat, organizovan na principima kojima se osigurava izvršavanje poslova registrovanih djelatnosti, efikasno upravljanje i uspješnost u radu.

Član 37.

Unutrašnja organizacija preduzeća, bliže će biti uređena Statutom preduzeća i Općim aktom o unutrašnjoj organizaciji.

XII JAVNOST RADA

Član 38.

Preduzeće će osigurati da njegov rad bude dostupan javnosti.

U cilju provedbe Zakona o slobodi pristupa informacijama, preduzeće će donijeti i odgovarajuće akte.

XIII NAČIN PRESTANKA POSTOJANJA PREDUZEĆA

Član 39.

Preduzeće može prestati sa radom:

- odlukom osnivača,
- ako ne ispunjava zakonom propisane uvjete za obavljanje djelatnosti,
- odlukom nadležnog organa,
- u drugim slučajevima predviđenim zakonom.

Član 40.

U slučaju prestanka postojanja preduzeća, imovina koja preostane nakon podmirenja obaveza, vraća se Osnivaču.

XIV PRELAZNE I ZAVRŠNE ODREDBE**Član 41.**

Ova Odluka je osnov za upis usklađivanja statusa preduzeća u registar Općinskog suda u Travniku.

Član 42.

Prijavu za upis usklađivanja statusa preduzeća podnijet će vršilac dužnosti direktora Dugonja Rašid, dipl. veterinar (JMBG 0811960191763), nastanjen u Donjem Vakufu Oborci br. 23.

Član 43.

Izmjene i dopune ove Odluke, vrše se na način kako je i donesena, a iste može vršiti osnivač.

Član 44.

Osnivač će u roku od 30 dana od dana stupanja na snagu ove Odluke donijeti Statut preduzeća.

Donošenje drugih općih akata od značaja za rad preduzeća, uredit će se Statutom preduzeća.

Član 45.

Stupanjem na snagu ove Odluke prestaje da važi Odluka o usklađivanju statusa Javnog preduzeća Veterinarska stnica Donji Vakuf sa odredbama Zakona o Javnim preduzećima, broj 01-05-3252/07 od 25.10.2007. godine.

Član 46.

Ova odluka stupa na snagu osmog dana od dana objavljivanja u "Službenom glasniku Općine Donji Vakuf".

Broj: 01-05-1601/09
Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

39

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Analize realizacije Programa rada Općinskog vijeća Donji Vakuf za 2008. godinu

I

Prihvata se ANALIZA REALIZACIJE PROGRAMA RADA OPĆINSKOG VIJEĆA DONJI VAKUF ZA 2008. GODINU.

II

Ovaj zaključak će biti objavljen u "Službenom glasniku Općine Donji Vakuf".

Broj: 01-05-1602/09
Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

40

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Izvještaja o radu Općinskog javnog pravobranilaštva Bugojno za 2008. godinu

I

Prihvata se IZVJEŠTAJ O RADU OPĆINSKOG JAVNOG PRAVOBRANILA -

ŠTVA BUGOJNO ZA 2008. GODINU.

II

Ovaj zaključak će biti objavljen u "Službenom glasniku Općine Donji Vakuf".

Broj: 01-05-1603/09

Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

41

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Izvještaja o utrošku novčanih sredstava za sufinansiranje rada Narodne kuhinje u Donjem Vakufu iz Budžeta za 2008. godinu

I

Prihvata se **IZVJEŠTAJ O UTROŠKU NOVČANIH SREDSTAVA ZA SUFINANSIRANJE RADA NARODNE KUHINJE U DONJEM VAKUFU IZ BUDŽETA ZA 2008. GODINU.**

II

Ovaj zaključak će biti objavljen u "Službenom glasniku Općine Donji Vakuf".

Broj: 01-14-1604/09

Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

42

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Izvještaja o radu Crvenog križa Donji Vakuf za 2008. godinu

I

Prihvata se **IZVJEŠTAJ O RADU CRVENOG KRIŽA DONJI VAKUF ZA 2008. GODINU.**

II

Ovaj zaključak će biti objavljen u "Službenom glasniku Općine Donji Vakuf".

Broj: 01-05-1605/09

Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

43

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Informacije o radu mjesnih zajednica na području Općine Donji Vakuf

I

Prihvata se **INFORMACIJA O RADU MJESNIH ZAJEDNICA NA PODRUČJU**

OPĆINE DONJI VAKUF, uz preporuku da nadležna služba sačini urnek standardiziranog izvještaja mjesnih zajednica.

II

Ovaj zaključak će biti objavljen u "Službenom glasniku Općine Donji Vakuf".

Broj: 01-05-1606/09

Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

44

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

o prihvatanju Informacije o prikupljenim i utrošenim sredstvima ostvarenim po osnovu posebne naknade za zaštitu i spašavanje od prirodnih i drugih nesreća

I

Prihvata se INFORMACIJA O PRIKUPLJENIM I UTROŠENIM SREDSTVIMA OSTVARENIM PO OSNOVU POSEBNE NAKNADE ZA ZAŠTITU I SPAŠAVANJE OD PRIRODNIH I DRUGIH NESREĆA.

II

Ovaj zaključak će biti objavljen u "Službenom glasniku Općine Donji Vakuf".

Broj: 01-14-1607/09

Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

45

Na osnovu člana 24. Statuta Općine Donji Vakuf (Službeni glasnik Općine Donji Vakuf broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08), Općinsko vijeće Donji Vakuf, na 4. redovnoj sjednici održanoj 30.03.2009. godine, donosi

ZAKLJUČAK

po inicijativi vijećnika Memiš Asmira

I

Izjašnjenje po Inicijativi vijećnika Memiš Asmira vraća se na doradu.

II

Ovaj zaključak će biti objavljen u "Službenom glasniku Općine Donji Vakuf".

Broj: 01-05-1608/09

Donji Vakuf, 31.03.2009. god.

Predsjedavajući općinskog vijeća
Talić Hajrudin s.r.

46

Na osnovu člana 46. stav 2. Zakona o državnoj službi u Federaciji Bosne i Hercegovine ("Službene novine Federacije BiH" broj 29/03, 23/04, 39/04, 54/04, 67/05 i 8/06), Općinski načelnik donosi

PRAVILNIK

o izmjeni Pravilnika o naknadama troškova za službena putovanja

Član 1.

U Pravilniku o naknadama troškova za službena putovanja ("Službeni glasnik Općine Donji Vakuf" broj 2/06 i 8/08) u članu 5. stav 3. mijenja se glasi:

"Izuzetno dnevnicu za službeno putovanje u zemlji u toku 2009. godine iznositi će 48,00 KM."

Član 2.

Ovaj Pravilnik stupa na snagu danom donošenja, a bit će objavljen u "Službenom glasniku Općine Donji Vakuf".

Broj: 02-14-1739/09

Donji Vakuf, 18.03.2009. god.

Općinski načelnik
Sušić Huso s.r.

SADRŽAJ

Red broj:		str.
37.	Zaključak o prihvatanju Informacije o realizaciji zaključaka Općinskog vijeća sa prethodnih redovnih sjednica	51
38.	Odluka o usklađivanju statusa Javnog preduzeća Veterinarska stanica Donji Vakuf sa odredbama Zakona o javnim preduzećima	51
39.	Zaključak o prihvatanju Analize realizacije Programa rada Općinskog vijeća Donji Vakuf za 2008. godinu	57
40.	Zaključak o prihvatanju Izvještaja o radu Općinskog javnog pravobranilaštva Bugojno za 2008. godinu	57
41.	Zaključak o prihvatanju Izvještaja o utrošku novčanih sredstava za sufinansiranje rada Narodne kuhinje u Donjem Vakufu iz Budžeta za 2008. godinu	58
42.	Zaključak o prihvatanju Izvještaja o radu Crvenog križa Donji Vakuf	58
43.	Zaključak o prihvatanju Informacije o radu mjesnih zajednica na području Općine Donji Vakuf	58
44.	Zaključak o prihvatanju Informacije o prikupljenim i utrošenim sredstvima ostvarenim po osnovu posebne naknade za zaštitu i spašavanje od prirodnih i drugih nesreća	59
45.	Zaključak po inicijativi vijećnika Memiš Asmira	59
46.	Pravilnik o izmjeni Pravilnika o naknadama troškova za službena putovanja,	59